



Comunu de Bauladu
Comune di Bauladu

VERBALE DE DELIBERATZIONE DE SU CUSSIGIU COMUNALE

NÙMERU 47 DE SU 30/12/2019

OGETU:	REVISIONE PERIÒDICA DE IS PARTETZIPATZIONES A SU 31/12/2018 E RELATZIONE DE S'ISTADU DE ATUATZIONE DE IS MEDIDAS DE RATZIONALIZATZIONE, PRO S'ART. 20 DE SU D.LGS. 175/2016. APROVATZIONE.
---------------	---

S'annu duamìgiadeghennoe, in die trinta, de su mese de nadale, a is 2 de merie in sa Domo Comunale de Bauladu, cramadu dae su Sìndigu cun lìteras iscritas cunsignadas a norma de lege, si est reunidu in sessione ordinària e pùblica, de prima cunvocatzione, su Cussìgiu Comunale in is persones de is Sennores:

Davide Corriga	P	Giovanni Battista Pes	P
Chiara Palmas	P	Anna Maria Pintus	P
Marta Dessì	P	Anna Matzutzi	P
Elia Zucca	P	Rita Soru	P
Carmine Consolo	P	Martina Atza	P

Cussigeris chi pigant parte: nr. 10

Cussigeris ausentes: nr. 0

Partètzipat a sa reunione sa Segretària, Dott.ssa Donatella Mancosu.

Su Sìndigu Dott. Davide Corriga assumet sa presidèntzia e constatadu su nùmeru legale de is intervènnidos pro pòdere in manera vàlida deliberare, deccrarat aberta sa reunione.

SU CUSSIGIÙ COMUNALE

Bidu su decretu legislativu 19 de austu 2016, n. 175, a ogetu Testu Ùnicu in matèria de sotziedade a partetzipatzione pùblica (TUSP), su cale at riformadu sa matèria de is sotziedades a partetzipatzione pùblica, fissende is cunditziones pro s'achirimentu o su mantenimentu de custas etotu e oblighende is amministratziones titolareas a fàghere cada tantu sa revisione de is partetzipadas pro verguare is cunditziones de detenibilitàde;

Fatu riferimentu in particolare:

- a) a s'artìculu 24 de su TUSP, su cale at prevìdidu una revisione istraordinària de is partetzipatziones detentas a sa data de su 23 de cabudanni 2016 (data in intrada in vigore de su decretu) de si fàghere intro su 30 de cabudanni 2017;
- b) a s'artìculu 20 de su TUSP, su cale previdet in capu a is amministratziones pùblicas s'òbligù de fàghere cada annu un'anàlisi de s'assetu cumplessivu de is sotziedades a partetzipatzione pùblica diretta o indireta a su fine de predisponnere, cando chi nde ricurrant is presupostos, unu pianu de assetu pro sa razionalizatzione issoro, fusione o suprimidura, fintzas mediante posta in licuidatzione o tzèdida;

Tentu contu chi sa revisione fitiana de is partetzipatziones depet cumportare s'adotzione de su pianu de razionalizatzione casumai si rilevent, pro su comma 2 de s'artìculu 20:

- a) partetzipatziones sotzietàrias chi non torrent in peruna de is categorias de fainas ammitidas dae is artìculos 4 e 26 de su TUSP;
- b) sotziedade chi resurtenant privas de dipendenti o tèngiant unu nùmeru de amministratoras superiore a cussu de is dipendenti;
- c) partetzipatziones in sotziedades chi acumprint fainas anàlogas o sìbiles a cussas acumpridas de àteras sotziedades partetzipadas o dae entes pùblicos instrumentales;
- d) partetzipatziones in sotziedades chi, in su triènniu pretzedente, apant cunsighidu unu faturadu mèdiu non superiore a unu milione de èuros. Pro s'art. 26, comma 12-quinquies de su TUSP, tale lìmite est reduidu a 500.000 mila èuros finas a s'adotzione de is pianos de razionalizatzione de s'adotare intro su 31 de nadale 2019;
- e) partetzipatziones in sotziedades diferentes dae cussas costituidas pro sa gestione de unu servitziu de interessu generale

chi apant prodùidu unu resurtadu negativu pro bator de is chimbe esertzìtzios pretzedentes;

f) netzessidades de cuntenimentu de is custos de funtzionamentu;

g) netzessidade de pònere impare sotziedades chi tenent a ogetu is fainas cunsentidas;

Ammentadu chi sa revisione fitiana de is partetzipatziones depet èssere fata, pro su comma 3 de s'artìculu 20, intro su 31 de nadale de s'esertzìtziu e chi, in sede de prima aplicatzione, pro su comma 11 de s'artìculu 25, a sa ratzionalizatzione fitiana si protzedet movende dae su 2018, cun riferimentu a sa situatzione a su 31 de nadale 2017;

Fatu riferimentu a:

- sa deliberatzione de Cussìgiu comunale n. 24 in data 27.09.2017, cun sa chi est istadu aprovadu su pianu istraordinàriu de ratzionalizatzione de is sotziedades partetzipadas a sa data de su 23 de cabudanni 2016;
- sa deliberatzione de Cussìgiu comunale n. 42 in data 27.12.2018, cun sa chi est istada aprovada sa relatzione fitiana de is partetzipatziones detentas a sa data de su 31/12/2017;

Ammentadu chi cun is mentovadas deliberatziones non si previdiant medidas de ratzionalizatzione in cantu sa sotziedade Abbanoa S.p.A.:

- est una sotziedade pro atziones a capitale in manera intrea pùbliku, costituída pro s'art. 113, comma 5, lìtera c) de su D.gs. N. 267/2000, cale gestore ùnicu de su servìtziu idricu integradu in s'àmbitu territoriale ùnicu de sa Sardigna, a oe disciplinadu cun lege regionale n. 4 de su 04 de freàrgiu 2015 e a intro de sa categoria de cale a s'art. 4, comma 2, lìtera a) de su D.lgs. n. 175/2016 e ss.mm.ii.;
- su servìtziu idricu ogetu de sa sotziedade Abbanoa S.p.A., ùnica partetzipada dae s'ente, non podet èssere gestidu diretamente dae s'ente etotu pro ausèntzia de un'istrutura tècnica adata pro is mezos finantziàrios a probe;

Retentu netzessàriu providire a su reconnoschimentu de is sotziedades partetzipadas detentas a sa data de su 31 de nadale 2018, a is fines de s'eventuale adotzione de su pianu de ratzionalizatzione fitiana de cale a s'art. 20 de su TUSP;

Bidas is lìnias ghia in sa revisione fitiana de is partetzipatziones predispostas dae su Ministeru de s'economia e de is finàntzias - Dipartimentu de su tesoro, de cuntzertu cun sa Corte de is contos, cun allegadu ischema pro sa revisione;

Ammentadu chi:

- sunt a intro de su perimetru de aplicatzione de su pianu is sotziedades a partetzipatzione pùblica direta e indireta, fintzas non totalitària,
- si cunsiderat indireta sa partetzipatzione detenta dae s'amministratzione pro su tràmite de sotziedade o de àteros organismos sugetos a su controllu pro parte de una singula amministratzione o de prus amministratziones pùbricas de acordu comunu;
- non sunt ogetu de revisione is partetzipatziones in organismos non chi tenent natura sotzietària, comente is entes istrumentales, is fundatziones, is cunsòrtzios, is istitutziones, etc.

Cunsideradu chi su reconnoschimentu est acumprimentu obligatòriu fintzas s'in casu in chi su comunu non possedat peruna partetzipatzione, resurtadu chi de ogni manera depet èssere comunicadu pro s'art. 20, comma 3, de su TUSP;

Tentu contu chi s'esàmene de reconnoschèntzia de totus is partetzipatziones detentas est istadu istruidu dae su responsàbile de su servìtziu finantziàriu;

Bidu su reconnoschimentu de is partetzipatziones detentas a sa data de su 31/12/2018 chi s'allegat a su provedimentu presente a suta de sa lìtera A) cale parte integrante e sustantziale, de sa chi nde resurtat:

chi non bi sunt interventos de razzionalizatzione de adotare;

Retentu de providire a pitzu;

Bidu su d.lgs. 267/2000;

Bidu su d.lgs. 165/2001;

Bidu s'Istatutu comunale;

Bidu su regulamentu in vigore de s'ordinamentu generale de is ufìtzios e de is servìtzios;

DELÌBERAT

- 1) de aprovare sa revisione fitiana de is partetzipatziones detenidas in sa data de su 31 de nadale 2018, pro s'art. 20 de su TUSP, chi s'allegat a su provedimentu presente a suta de sa lìtera A) cale parte integrante e sustantziale;

- 2) de declarare chi non bi sunt interventos de razionalizatzione de adottare e duncas si cunfirmat, pro is razones aporridas in premissa, su mantenimentu de sa partetzipatzione possedida de su Comunu de Bauladu in sa sotziedade Abbanoa S.p.a.;
- 3) de pigare àutu chi non bi sunt rapresentantes de custa amministratzione in is òrganos de guvernu de sa sotziedade Abbanoa S.p.a.;
- 4) de comunicare su provedimentu presente a sa Setzione regionale de Controllu de sa Corte de is contos, pro s'art. 20, comma 3 de su TUSP;
- 5) de comunicare su presente provedimentu a su Ministeru de s'economia e de is finàntzias - Dipartimentu de su tesoro, tràmite su Portale Partetzipatziones, pro s'art. 20, comma 3, de su TUSP;
- 6) de trasmitere su provedimentu presente a sa sotziedade Abbanoa S.p.a.

De declarare s'àutu presente esecutàbile deretu, bidu s'apretu de nde dare esecutzione immediata, pro is efetos de s'articulu 134, comma 4, de su decretu legislativu n°267 de su 18.08.2000 e mudas e integratziones imbenientes.

Parre a subra de sa proposta: in òrdine a sa regularidade tècnica pro s'art. 49, comma primu, de su Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Parre a subra de sa proposta: in òrdine a sa regularidade contàbile pro s'art. 49, comma primu, Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Su verbale benit sutascritu gasi

Su Sìndigu
F.du Dott. Davide Corrìga

Sa Segretària Comunale
F.du Dott.ssa Donatella Mancosu

ATESTADU DE PUBLICATZIONE

S'atestat chi còpia de sa deliberatzione est publicada in su situ istituzionale de su Comunu, atzessibile a su pùblicu, pro s'art. 32, comma 1, de sa Lege 69 de su 18/06/2009, partinde dae su 19/08/2019, pro abarrare bìndighi dies consecutivas, e in manera cuntestuale comunicada a is Grupos Consiliares.

Su 03/01/2020

Sa Segretària Comunale
F.du Dott.ssa Donatella Mancosu

Còpia cunforme a s'originale pro impreu amministrativu

Su 03/01/2020

Su Missu Notificatore
F.du Dott. Paolo Carta